

Broj: 03-04-1253-27/2023  
Sarajevo, 21.11.2023 .godine

**PARLAMENT FEDERACIJE BOSNE I HERCEGOVINE**

**Predstavnički dom**

gosp. Mario Karamatić, poslanik ✓  
gosp. Ivan Miličević, sekretar

Bosna i Hercegovina  
Federacija Bosne i Hercegovine  
**PARLAMENT FEDERACIJE  
SARAJEVO**

Primljeno: 23-11-2023			
Org. jed.	Broj	Priloga	Vrijednost
05/1	-02-	409	23

Predmet: Odgovor na poslaničko pitanje

Poštovani,

U skladu sa članom 116. Poslovnika Predstavničkog doma Parlamenta Federacije Bosne i Hercegovine ("Službene novine Federacije BiH", br. 69/07, 2/08 i 26/20), u prilogu Vam dostavljam akt Gradonačelnice Grada Sarajeva, broj: 01/04-04-7314-1/23 od 14.11.2023. godine, koji sadrži odgovor na poslaničko pitanje, koje je, na 8. vanrednoj sjednici Predstavničkog doma Parlamenta Federacije Bosne i Hercegovine, održanoj 25.10.2023. godine, postavio poslanik Mario Karamatić.

S poštovanjem,



**SEKRETAR VLADE**  
*[Handwritten signature]*  
**dr. sci. Edita Kalajdžić**

Prilog: kao u tekstu



Grad Sarajevo  
City of Sarajevo

Broj: 01/04-04-7314-1/23  
Sarajevo, 14.11.2023. godine

1951  
Bosna i Hercegovina  
Federacija Bosne i Hercegovine  
Kanton Sarajevo  
Grad Sarajevo  
GRADONAČELNICA

VLADA FEDERACIJE BOSNE I HERCEGOVINE

N/r dr. sci. Edita Kalajdžić, sekretar

Hamdije Ćemerlića broj 2, Sarajevo

FEDERACIJA BOSNE I HERCEGOVINE

VLADA

Sarajevo

PRIMLJENO: 21. 11. 2023			
Organizaciona jedinica	Klasifikaciona jedinica	Redni broj	Broj priloga
03-	04-	1253-	27/2023

**PREDMET:** Odgovor na poslaničko pitanje

Veza: Vaš akt 03-04-1253-27/2023 od 01.11.2023. godine

*Poštovana,*

Dana 08.11.2023. godine Gradu Sarajevo dostavili ste Poslaničko pitanje koje je na 8. vanrednoj sjednici Predstavničkog doma Parlamenta Federacije Bosne i Hercegovine, održanoj dana 25.10.2023. godine, postavio Mario Karamatić a koje se, između ostalog, odnosi na postavljanje zastave Bosne i Hercegovine na jarbolu ispred zgrade u kojoj se održavaju sjednice Parlamenta Federacije Bosne i Hercegovine, navodeći da je ista nepravilno odnosno naopako postavljena.

Prijed svega, podsjećam da je Zakonom o zastavi Bosne i Hercegovine („Službeni glasnik BiH“, broj 19/01 i 23/04) propisan oblik i izgled zastave Bosne i Hercegovine, kao i njeno isticanje na nivou države Bosne i Hercegovine. Tako je članom 2. definisano da se Zastavom Bosne i Hercegovine predstavlja Bosna i Hercegovina i zastava se ističe kao simbol Bosne i Hercegovine.

Članom 3. istog Zakona definisan je oblik i izgled zastave, kako slijedi:

„Zastava Bosne i Hercegovine je plave boje. Desno od centra nalazi se trougao žute boje. Paralelno lijevoj strani trougla, od gornjeg ruba zastave do donjeg ruba, proteže se red bijelih petokrakih zvijezda. Zastava je pravougaonog oblika. Odnos između dužine i širine zastave je 1:2.“

Dakle, Zakonom o zastavi Bosne i Hercegovine nije definisano da trougao žute boje predstavlja geografski oblik države Bosne i Hercegovine, kako je to navedeno u poslaničkom pitanju poslanika Karamatić Marija, tako da konstatacija da je zastava ispred zgrade u kojoj se održavaju sjednice Parlamenta Federacije Bosne i Hercegovine okrenuta naopako jer, po mišljenju uvaženog poslanika ista stoji na način da je Orašje najjužnija tačka Bosne i Hercegovine a da su sjeverne tačke Bosne i Hercegovine Velika Kladaša, Bužim i Trebinje, nije zasnovana za Zakonu.

Zastave na jarbolima ispred zgrade u kojoj su smještene institucije Parlamenta Federacije Bosne i Hercegovine i Grada Sarajeva su postavljene u vertikalnom položaju, koji Zakonom nije posebno tretiran, niti postoje pravilnici o upotrebi i načinu kačenja zastave. U nedostatku istih, jedino ispravno je primjena pravila veksikologije, nauke o zastavama, prema kojem se zastave ne okreću.

Adresa: Hamdije Kreševljakovića 3  
71000 Sarajevo, BiH  
Tel: +387 33 407 443  
Fax: +387 33 208 341  
Email: grad@sarajevo.ba  
Web: www.sarajevo.ba




Na nemogućnost okretanja zastave na način kako to traži uvaženi poslanik ukazuje i član 3. Zakona kojim su precizno i nedvosmisleno utvrđene dimenzije zastave, kao i omjer između njene dužine i širine.

Uzimajući u obzir činjenice da zastava Bosne i Hercegovine ima jedno lice, da nema heraldiku, da nema zakonska ili podzakonska pravila o upotrebi i načinu kačenja zastave, onda se ista kači prema pravilu veksilologije. Zastava se kači na lijevu stranu jarbola i pušta slobodan pad zastave. Iz normalnog horizontalnog položaja zastava se dovodi u vertikalni položaj rotacijom s lijeva na desno, u smjeru kretanja kazaljke na satu.

Uzimajući u obzir sve naprijed navedeno, proizilazi da je zastava Bosne i Hercegovine ispred zgrade u ulici Hamdije Kreševljakovića broj 3 postavljena ispravno i nema potrebe za njenim okretanjem.

**S poštovanjem,**

Dostaviti: -naslovu  
-a/a



**GRADONAČELNICA**

**Prof. dr. Benjamina Karić**